



Broj: 07-11-1815/22
Vogošća, 06.12.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), VD Općinskog načelnika dana 06.12.2022. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA ČIŠĆENJU
KORITA RIJEKE LJUBINE-KRITIČNE TAČKE-I FAZA**

Član 1.

Ponuda ponuđača "Mevludin commerc" d.o.o. Sarajevo, ulica Zeleni put broj 39. Sarajevo, odabrana je za izvođenje radova na čišćenju korita rijeke Ljubine-kritične tačke-I faza, kao prvoplasirana na Rang listi, sa ponuđenom ukupnom cijenom nabavke u iznosu od 84.300,00 KM bez uračunatog PDV-a, odnosno 98.631,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 07.11.2022. godine donio Odluku o pokretanju Otvorenog postupka nabavke radova na čišćenju korita rijeke Ljubine-kritične tačke-I faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 08.11.2022. godine pod brojem: 1353-1-3-198-3-227/22.

Sažetak Obavještenja o nabavci objavljen je u "Službenom glasniku BiH" broj: 75/22 od 11.11.2022. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 24.11.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 24.11.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1815/22 iz novembra 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Mevludin commerc" d.o.o Sarajevo	84.878,97	/	/	99.308,39
2	"Špic beton" d.o.o Zenica	87.182,27	/	/	102.003,25
3	"Atlas-D" d.o.o Visoko	89.962,77	/	/	105.256,44
4	"Harysco" d.o.o Sarajevo	89.839,19	/	/	105.111,85

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Atlas-D" d.o.o. Visoko ne ispunjava formalno-pravne uslove tražene Tenderskom dokumentacijom i to:

U Obrascu za cijenu ponude-Aneks 2 TD-kroz Napomenu I je propisano da cijene moraju biti izražene u KM. Za svaku stavku u ponudi mora se navesti cijena (nijedno polje u tabeli ne smije ostati nepopunjeno, čak iako se radi o iznosu 0,00 KM).

Ponuđač "Atlas-D" d.o.o. Visoko je u svojoj Ponudi (strana 8. Ponude-III Ostali radovi-pozicija 2) propustio da popuni rubriku ukupna cijena, a također je propustio da popuni rubriku VI nepredviđeni radovi 5 % u Rekapitulaciji ponude (strana 8. Ponude), te je na taj način odstupio od jasno postavljenog zahtjeva ugovornog organa iz TD da nijedno polje u tabeli ne smije ostati nepopunjeno, čak iako se radi o iznosu 0,00 KM.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "Harysco" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD a u skladu sa članom 51. Zakona tražena je obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i 1 (jedno) lice, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovalac građevinskim mašinama).

Tačkom 7.4.2. pod b) TD je pored ostalih zahtjeva traženo da se kao dokazi za 1 (jedno) lice, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovalac građevinskim mašinama) dostavi Diploma/Svjedočanstvo o završenoj traženoj stručnoj spremi i dokaz o radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Harysco" d.o.o. Sarajevo je u svojoj Ponudi (strana 38-40. Ponude) kao dokaz za traženo dostavio Diplomu o završenoj srednjoj stručnoj školi izdatu od J.U."Stručna industrijska škola" Zenica, kojom se dokazuje da je Elvis Omić završio rudarsko-geološku stručnu školu i stekao zanimanje rukovalac rudarske mehanizacije površinskog kopa.

Uvažavajući dostavljeno, Komisija za javne nabavke je cijenila da je ponuđač "Harysco" d.o.o. Sarajevo dostavljanjem prethodno pomenute Diplome o završenoj srednjoj stručnoj školi propustio da postupi po zahtjevu iz tačke 7.4.1. pod b) TD, a kojom je jasno zahtjevano da ponuđači imaju na raspolaganju između ostalih i 1 (jedno) lice, SSS ili VŠS saobraćajne struke-III ili V stepen, smjer rukovalac građevinskim mašinama (KV ili VKV rukovalac građevinskim mašinama).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni orga.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Mevludin commerc" d.o.o Sarajevo i
- "Špic beton" d.o.o. Zenica

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 05.12.2022. godine u 9:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 05.12.2022. godine, Komisija za javne nabavke je sačinila sljedeću Rang listu u Otvorenom postupku nabavke radova na čišćenju korita rijeke Ljubine-kritične tačke-I faza kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Mevludin commerc" d.o.o Sarajevo	84.300,00	98.631,00
2	"Špic beton" d.o.o. Zenica	84.400,00	98.748,00


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku VD Općinskog načelnika da donese Odluku o izboru najpovoljnijeg ponuđača "Mevludin commerc" d.o.o Sarajevo, za izvođenje radova na čišćenju korita rijeke Ljubine-kritične tačke-I faza, kao prvoplasiranom na Rang listi, sa ponuđenom ukupnom cijenom nabavke u iznosu od 84.300,00 KM bez uračunatog PDV-a, odnosno 98.631,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura




Kontrolisala: Melisa Kršo





VD OPĆINSKOG NAČELNIKA



Migdad Hasanović

Dostavljeno:

1. "Mevludin commerc" d.o.o. Sarajevo
2. "Špic beton" d.o.o. Zenica
3. "Atlas-D" d.o.o. Visoko
4. "Harysco" d.o.o. Sarajevo
5. Nadležnoj Službi
6. U dosije
7. a/a

mevludin-commerc@hotmail.com

spicbeton@hotmail.com

atlas_d@bih.net.ba

harysco@bih.net.ba